

# RED Democratico

Plan 2024-2028

'Bienestar pa tur hogar.'



ReD  
ta  
Crea



"Pa un Nucleo familiar  
mas fuerte y saludabel  
Bienestar pa tur hogar."



ReD ta  
Crea

## Menor di Edad

- Estudio y formacion
- Trabao y oportunidad economico
- Salud y bienestar
- Social Media y Tecnologia
- Criminalidad y seguridad
- Condicion di bida
- Participacion social y cultural
- Medio ambiente y sostenibilidad

## Adulto

- Costo di Bida (necesidad basico) Cuminda, cas, awa y coriente
- Trabao y entrada
- Pobreza
- Vivienda
- Salud y bienestar
- Cambio demografico
- Medio Ambiente y Sostenibilidad

## Adulto Mayor

- Pensioen y Entrada
- Salud y Cuido
- Condicion di Vivienda
- Inclusion y soledad
- Transporte
- Seguridad y proteccion
- Cambio demografico




**RED** Democratico



# MENOR DI EDAD



**RED** Democrático



## MENOR DI EDAD

### - Estudio y formación

#### Situación

La calidad y accesibilidad de enseñanza son puntos de atención crucial. Hubientud tin necesidad di bon educación y oportunidadnan di formación cu ta prepara nan pa e mercado laboral. E problemanan manera “dropout” y e disponibilidad di educación continuo ta sigui ta puntos importantes di preocupación.

#### Propuesta di ReD


ReD lo continua cu e alternativanan di educación cu el a crea y lo amplia esakinan a base di un maneho integro y responsabel, cu ta satisface tur e normanan di Ley di Contabilidad, e.o. EduCampus, Aruba Adventist Academy, Montessori High School, YNZ, De Schakel, Mon Plaisir MAVO/HAVO/VWO, EPB/EPI ABO-onderwijs y Colegio Hilario Angela. ReD lo sigui diversifica enseñanza pa mas oportunidad paso “One Size doesn’t Fit All”.

Digitalización y uso di Inteligencia Artificial lo ta puntos di importancia den un educación personalizada cu bista riba e mercado laboral.



**RED Democrático**

## - Trabajo y oportunidad económica



## MENOR DE EDAD

### Situación

Pa hubentud, haya trabou despues di finalisa nan formación ta un reto importante. Desempleo hubenil y e disponibilidad di trabou cu ta paga bon ta preocupacion frecuente. Tambe tin atención pa stimula empresariado bao hubentud y pa ofrece posibilidad di stage y trayecto di traha y siña.

### Propuesta ReD


Pa esaki ta indispensable diversificación di economía, cu ta crea diferente tipo y oportunidad di trabao nobo cu lo atrae Arubiano pa bolbe.

ReD a baha interés di fianza di Arubalening na 0%, den e proximo gobernación lo duna “Kwijtsschelding” di Arubalening pa esnan cu a gradua y compromete na traha un mínimo di 5 año na Aruba, den forma continuo. Esaki lo stimula regreso na Aruba y lanta negoshi propio teniendo na cuenta cu e estudiante no tin debe pa start.

ReD lo crea un Banco di Desaroyo cu ta duna fianza bao cierto condición favorable pa Young Entrepreneurship. ReD a zorg pa diploma acredita y reconoci (SPO), y a mehora calidad di diploma existente (EPB) y lo continua cu e maneho aki pa habri un miho futuro pa nos hobennan.



**RED Democrático**



## MENOR DI EDAD

### - Salud y bienestar

#### Situacion

Hubentud ta enfrenta reto den aspecto di salud fisico y mental. Acceso na cuidado di salud, unda cuidado di salud mental ta esencial. Stress, ansiedad y depresion ta bira mas frecuente bao hubentud, indicando e necesidad pa sosten y programa preventivo.


#### Propuesta ReD

Incentivo pa Alimentacion Saludabel ta mas accesibel financieramente. Programa di Scol Saludabel Fisico y Mental 'Club Escolar' caminda e hoben gratuitamente por participa den Arte, Cultura, Baile, Musica y Deporte. Salud Social cu apoyo di gobierno caminda tur mucha tin oportunidad igual pa participa na programa comunitario e.o. organizacion deportivo.

Facilidad deportivo mester ta Gratis! Gobierno mester bini cu un maneho pa Centro nan di Barrio cu e puntonan menciona enfoca riba e hoben.



**RED** Democratico



## MENOR DI EDAD

### - Social Media y Tecnologia

#### Situacion

Uzo di media social y tecnologia tin tanto efecto positivo como negativo riba hubentud. Aunke tecnologia ta ofrece oportunidad pa siña y conecta, tambe tin preocupacion tocante e bullying virtual, adicción na media social y e influencia riba nan salud mental y imagen propio.


#### Propuesta ReD

ReD ta promove uzo responsabel di tecnologia y media social cu enfoke riba bienestar mental di hubentud. Pa combati e bullying virtual, lo introduci programa di educacion preventivo den scol y comunidad cu ta enfatisa riba respet, comunicacion positivo, y seguridad den uzo di media digital. Ademá, lo crea plataforma pa mentorship y apoya e hubentud y su famia den caso di abuso virtual. ReD lo enforsa programa pa limita e impacto di adicción na media social y promove balans saludabel den uzo di tecnologia cu naturalesa.



**RED** Democrático

# MENOR DI EDAD



## - Criminalidad y seguridad

### Situacion

Seguridad ta un preocupacion, especialmente den relacion cu criminalidad hubenil y uzo di droga. Medidanan preventivo y programanan cu ta enfoca riba reduccion di criminalidad bao hubentud ta importante, asina mes pa ofrece nan un ambiente sigur den cua nan por crece.


### Propuesta ReD

ReD lo reforsa programa preventivo pa hubentud pa evita nan involucramento den criminalidad. Lo implementa programa di mentorship y entrenamiento laboral pa e hobennan cu ta na riesgo di cay den criminalidad, cu ta inclui actividad deportivo, arte y cultura pa mantene nan ocupa y duna nan alternativa pa crecimiento personal. Ademá, ReD lo introduci un sistema di rehabilitacion efectivo pa e hobennan cu ta involvi den criminalidad, cu enfoca riba reintegracion den sociedad. Pa medio di e colaboracion cu autoridad, comunidad, y scol, lo crea un red di vigilancia cu ta proteha e hubentud y duna nan un ambiente sigur pa crece.



**RED** Democrático





## MENOR DI EDAD

### - Participacion social y cultural

#### Situacion


E participacion di hubentud den actividad social y cultural ta di gran importancia pa nan desaroyo. Tin preocupacion tocante acceso encuanto deporte, cultura, y e actividadnan di comunidad, specialmente pa hubentud di menos recurso.

#### Propuesta RED

ReD ta kere den e poder di cultura y deporte pa motiva hubentud. Den gobierno ReD a introduci Leerorkest na tur scol, esta cu tur mucha por logra toca un instrumento musical. ReD lo amplia e programa aki y lo introduci mas. Lo implementa un programa nacional pa acceso gratuito pa e hubentud na e actividadnan cultural, deportivo, y artistico, sigurando cu ningun hoben lo keda afo pa falta di recurso (No child left behind policy). Tambe, ReD lo stimula nos comunidad pa crea mas espacio y oportunidad pa mucha y hoben por ta involvi den proyecto di arte, musica, teatro y deporte, consciente cu participacion den e tipo di actividadnan aki ta fundamental pa un desaroyo integral y un futuro exitoso.



**RED** Democrático



## MENOR DI EDAD

### - Medio ambiente y sostenibilidad

#### Situacion

Hubentud ta preocupa cada bes mas cu e asuntonan ambiental y di sostenibilidad. Nan ta mas frecuente involvi den movencion y iniciativa cu ta enfoca riba e asuntonan di cambio climatico, pa proteha e medio ambiente y nan ta spera cu gobierno tambe tuma accion riba esaki.

#### Propuesta ReD

ReD ta reconoce cu e hubentud ta e motor pa cambio sostenibel y lo crea un plataforma pa inclui e hubentud den desaroyo y implementacion di e proyectonan ecologico. ReD den gobierno a introduci plantacion na scol y ReD lo sigui implementa programa di formacion ambiental pa e hobennan, dunando nan e herment y conocimiento necesario pa nan tuma liderazgo den e proyectonan pa proteha nos medio ambiente. Tambe, lo promove proyecto di reciclahe, agricultura sostenibel, y energia alternativa cu ta crea trabou eco-amigabel pa e hubentud, dunando nan un rol activo den proteccion di e isla y creacion di un futuro sostenibel. ReD den gobierno ya a introduci na SPO estudio di asistente di agricultor y lo sigui amplia esaki riba e otro nivelnan.



**RED** Democratico



# ADULTO



 **RED** Democratico



**ADULTO**

## - **Costo di Bida (necesidad basico) Cuminda, cas, awa y coriente**

### **Situacion**

E costo di bida ta un preocupacion grandi pa e hogar na Aruba. E ta inclui e prijsnan cu ta subi pa e cosnan basico manera cuminda, cas, awa y energia. Inflacion ta hunga un papel den esaki, pues e ta sigui baha e poder di compra pa e hogar.

### **Propuesta ReD (Parti 1)**

ReD ta propone un plan strategico pa alivia e presion riba e costo di bida den e hogar Arubiano. Nos lo implementa medida specifico pa reduci e costo di energia y awa pa e famia cu tin entrada mas abou, pa medio di subsidio y incentivo pa uzo di energia renobabel. Lo introduci mas facilidad pa financiamiento di energia solar pa e casnan y incentiva proyecto pa mehora e eficiencia energetico di vivienda. Den e area di cuminda, ReD ta propone subsidio pa producto alimenticio local y pa e famianan vulnerabel, pa garantisa cu tur hende por haya cuminda basico na un precio accesibel.



**RED Democratico**



**ADULTO**

- **Costo di Bida  
(necesidadnan basico) Cuminda, cas, awa y coriente..... *Continuacion***

**Propuesta ReD (Parti 2)**

Pa e problema di vivienda, ReD lo sigui implementa proyecto di cas accesibel pa huur y pa compra, destina specialmente pa famia hoben y adulto mayor. ReD ta combati inflacion pa sigura cu e prijs di canasta basico no ta sigui subi fuera di control, usando un commision pa regula e mercado clave manera energia, cuminda y vivienda. ReD lo hiba un politica cu ta stabilisa e prijs di awa y coriente, cu lo garantis a un alivio financiero pa cada hogar Arubano.



**RED Democratico**



# ADULTO

## - Trabao y ingreso

### Situacion

Trabao ta un punto importante di atencion, specialmente mirando cu Aruba ta dependiente di turismo, un sector cu por ta fragil. Perdida di trabou of situacion laboral no stabil sigur por pone presion financiero riba e hogarnan. CBS ta pone tambe atencion riba e ingreso promedio y e desigualdad den ingreso riba e isla.

### Propuesta ReD (Parti 1)

ReD ta reconoce cu dependencia riba un sector economico, manera turismo, por pone e economia di nos isla na riesgo, mas tanto den e momentonan di crisis global of fluctuacion den demanda turistico manera a sosode caba na 2020. ReD ta propone pa introduci un di dos pilar economico cu por sigura estabilidad financiero pa e isla: industria di cannabis y hemp.

E desaroyo di un sector di cannabis cu ta regula y monitorea lo por genera un ingreso anual di mas o menos 1 biyon florin pa Aruba, cu tambe lo crea oportunidadnan grandisimo di empleo. Di cultivacion pa distribucion, hasta produccion di producto deriva y maneho di exportacion, esaki lo crea hopi cupo di trabou nobo pa e local den diferente nivel educativo.



**RED** Democrático



**ADULTO**

## - Trabajo y ingreso... *Continuacion*

### Propuesta ReD (Part 2)

Hobennan lo haya oportunidad pa traha den un sector inovador cu por inclui empleo den investigacion cientifico, cultivo agrario, proceso di producto y marketing global.

ReD ta garantiza cu un regulacion estricto lo ta na lugar pa sigura cu esaki ta un industria cu ta contribui na un economia sostenibel, mientras cu ta proteha salud y bienestar di nos pueblo. Esaki lo por diversifica nos fuente di ingreso pa no depende solamente di turismo, mientras cu e industria di cannabis por beneficia otro sector local, manera agricultura y investigacion.

Ademas di e empleo cu esaki lo por crea, e industria di cannabis tambe lo genera entrada significativa pa gobierno, y e fondo adicional lo por wordo usa pa inverti den infraestructura, salud, educacion y otro proyectonan social cu ta beneficia nos comunidad. Nos vision ta pa crea un economia circular duradero, cu trabou pa tur y cu menos desigualdad den ingreso, cu lo contribui na un economia mas fuerte pa Aruba.



**RED Democratico**



# ADULTO

## - **Pobresa:**

### **Situacion**

Tambe tin preocupacion tocante pobreza y desigualdad social. CBS ta raporta tocante e cantidad di hogarnan cu ta biba bou di e liña di pobreza y ta analisa e factornan cu ta contribuí na vulnerabilidad economico.

### **Propuesta ReD (Parti 1)**

ReD ta propone un plan integral pa combati pobreza den cuater area principal: empleo, educacion, acceso na servicionan basico y cuido cu salud mental.

#### **1. Empleo pa esnan mas vulnerabel**

ReD lo crea mas oportunidad di trabou pa esnan cu ta sin empleo, mediante entrenamiento laboral y formacion tecnico. Tambe, e industria di cannabis lo ta un pilar nobo di economia, creando miles di trabou cu lo por sigura un entrada pa hopi famianan.



**RED** Democrático





# ADULTO

## – **Pobresa:**

### Propuesta ReD (Parti 2)

#### 2. **Educacion y Formacion Continuo**

ReD lo amplia programanan di formacion pa esnan cu a caba nan estudio, pero kier sigui desaroya. Esaki lo ta enfoca riba e sectornan nobo manera energia renobabel, pa asina amplia e oportunidadnan laboral pa tur local.

#### 3. **Acceso na Servicionan Basico**

ReD lo ofrece apoyo pa reduci e costo di cas, awa, coriente y servicio di salud pa famianan vulnerabel. Vivienda accesibel lo ta un prioridad pa asina tur hende tin un cas.

#### 4. **Cuido Social y Salud Mental**

Pa combati e impacto di pobresa riba salud mental, ReD lo implementa programa di apoyo psicologico y comunitario, duna cuidu y mentorship pa kibra e ciclo di pobresa.



 **RED** Democratico



**ADULTO**

## - Mercado di cas

### Situacion

E disponibilidad di casnan cu ta pagabel ta un otro punto di atencion. Tin demanda pa casnan pagabel, specialmente pa famianan hoben i hende cu tin ingreso mas abou.

### Propuesta ReD

ReD lo implementa un programa pa construi cas accesibel pa huur y pa compra, dirigi principalmente pa famia nan hoben y esnan cu entrada mas abou. Nos lo introduci subsidio y facilidad di financiamiento pa yuda esnan cu ta haya dificultad pa compra su prome cas. ReD lo promove colaboracion entre gobierno y sector priva pa aumenta e oferta di casnan pagabel. Tambe, nos lo stimula proyecto di renobacion urbano pa crea mas espacio pa vivienda accesibel den e areanan destina. E meta ta pa garantiza cu tur Arubiano tin un cas digno cu nan por paga.



**RED Democrático**



# ADULTO

## - Salud y bienestar

### Situacion

E accesibilidad na cuidado di salud y bienestar di e poblacion ta crucial. Esaki tambe ta inclui e impacto di malesa cronico y e salud mental di e poblacion.

### Propuesta di ReD

ReD lo sigura cu cuidado di salud ta mas accesibel pa tur local, cu enfoque riba cuidado preventivo pa preveni malesa cronico. Nos lo amplia e facilidadnan di cuidado di salud mental, cu programa preventivo y apoyo psicologico, pa combati e aumento di stress, ansiedad y depresion. ReD lo inverti den infraestructura di salud y lo introduci programanan enfoca riba un estilo di bida saludabel, promoviendo deporte y nutricion pa prevencion. E meta ta pa garantiza cu tur hende na Aruba tin un acceso husto na cuidado di salud di calidad y bienestar.



**RED Democrático**



# ADULTO

## - Cambio demográfico:

### Situacion

Envejecimiento di e poblacion y cambio den composicion di hogarnan tin tambe consecuencia pa e economia y e nesesidadnan di cuidado.

### Propuesta di ReD

ReD ta reconoce cu e envejecimiento di nos poblacion ta pone un precion mas grandi riba e sistema di cuidado y e economia. Pa anticipa e cambio demografico, nos ta propone pa diversifica nos fuente di energia pa crea mas sostenibilidad economico y cuidado a largo plaso. Un di e solucionnan principal ta e integracion di offshore solar y windmolen parks na e costa norte di Aruba den nos awa territorial, cu lo genera mas energia renovabel, crea trabounan nobo y disminuí nos dependencia di energia tradicional. Esaki lo no solamente sostiene e desaroyo di Aruba, pero tambe asegura cu e entrada genera lo por wordo invertí den cuidado pa nos poblacion.



**RED Democrático**

## - Medio Ambiente y sostenibilidad



**ADULTO**

### Situacion

E cuida pa e medio ambiente, cu ta inclui maneho di sushi y uso di awa y energia, ta importante pa e hogarnan na Aruba. Sostenibilidad ta un preocupacion cu ta crece mirando e impacto di cambio climatico.

### Propuesta ReD

ReD lo pone enfoca riba un plan integra pa proteha e medio ambiente y garantiza sostenibilidad pa futuro. Nos lo introduci un maneho mas eficiente di sushi y awa, cu enfoca riba produccion di awa pa por conserva nos recurso natural cu ta nos Awa di Aruba. Tambe nos lo amplia e uso di energia renobabel, incluyendo energia solar y windmolens, pa reduci dependencia di combustibel fosil y proteha nos medio ambiente di polucion. ReD lo desaroya programanan educativo y legislacion mas fuerte pa enfrenta e impacto di cambio climatico. E meta ta pa crea un Aruba cu mas mata, mas fuerte y sostenibel pa tur generacion. Un di e solucionnan principal ta e integracion di offshore solar y windmolen parks na e costa norte di Aruba den nos awa territorial, cu lo generá mas energia renovabel, creá trabounan nobo y disminuí nos dependencia di energia tradicional.




 **RED** Democrático



# ADULTO MAYOR



**RED** Democrático



# ADULTO MAJOR

## - Pensioen y Ingreso:

### Situacion

E seguridad financiero di hende grandi ta un punto importante di atencion. Esaki ta inclui e cantidad y alcance di pensioen, como tambe di entradanan adicional. Hopi adulto mayor mester biba cu un ingreso fiho y e costo di bida cu ta subi por afecta nan poder di compra na un manera serio.

### Propuesta ReD

ReD lo enforsa e sistema di pensioen pa garantiza cu cada adulto mayor por biba cu dignidad y sin preocupacion pa su entrada. Nos lo implementa un aumento gradual den e entrada di pensioen pa cubri e costo di bida cu ta subi constantemente. Ademá lo crea facilidadnan pa e adulto mayor haya entrada adicional pa medio di trabou part-time of proyecto di voluntariado cu cierto pago, segun nan deseo y habilidad. ReD lo promove un sistema pa mehora e poder di compra di adulto mayor, sigurando cu tur tin acceso na servicio basico, salud, cuidado y bienestar social.



**RED** Democrático



# ADULTO MAJOR

## - Salud y Cuido Medico:

### Situacion

Adul-tonan mayor tin mas necesidad pa cuido di salud, incluyendo tratamiento medico, remedi y cuido a largo plaso. E disponibilidad y accesibilidad di cuido di salud adecuado y cuido di adulto mayor ta crucial. Banda di esaki, malesa cronico y cuido preventivo ta hunga un gran papel den bienestar di e grupo aki.


### Propuesta ReD

ReD lo pone prioridad riba e cuido di salud pa adulto mayor, garantizando cu nan tin acceso rapido y adecua na tratamiento medico, remedi, y cuido di largo plazo. Nos lo amplia e infraestructura di cuido preventivo pa detecta malesa cronico mas tempran y preveni complicacionnan, mientras cu lo crea facilidadnan specialisa destina pa cuido di adulto mayor. Asina ReD lo asegura cu cuido di salud pa e grupo vulnerabel ta accesibel pa tur, sin barera economico, garantizando bienestar y calidad di bida pa cada adulto mayor na Aruba.



**RED** Democratico





## ADULTO MAJOR

### - Condicion di Bida

#### Situacion

E situacion di cas pa adul-tonan mayor ta un otro punto importante di atencion. Esaki ta inclui e disponibilidad di casnan adecuado, manera casnan cu ta adapta of casnan den un solo nivel y e gasto pa biba. Tambe e cercania di facilidadnan y serviccionan di cuida ta di gran importancia pa hopi mayornan.


#### Propuesta ReD

ReD lo traha pa sigura cu mayornan adulto tin acceso na casnan adecuado, cu ta adapa segun nan necesidad, manera casnan den un solo nivel of cu facilidadnan pa movecion limita. Nos lo stimula construccion di comunidadnan di vivienda destina especificamente pa adulto mayor, cu lo ta cerca di facilidadnan di salud y otro servicio esencial, pa asina yuda mantene nan independencia. Pa e gasto di vivienda, ReD lo implementa subsidionan pa cas y gasto di energia pa adulto mayor vulnerabel, garantizando cu nan por biba cu dignidad y seguridad financiero den su etapa di bida.



**RED** Democrático

## - Inclusion Social y Soledad



# ADULTO MAJOR

### Situacion

Soledad y aislamiento social ta un problema cu ta pasa no p' bida bao di adultonan mayor. Tene un red social fuerte y acceso na actividad y servicionan comunitario por hasi un gran diferencia den calidad di bida di adultonan mayor. Iniciativanan pa reduci soledad y stimula participacion social ta esencial.

### Propuesta di ReD

ReD lo pone enfoke riba lucha contra soledad y isolacion social di adulto mayor, creando programanan pa stimula participacion social y comunitario. Nos lo desaroya centro di barrio y clubnan di actividad pa adulto mayor, caminda nan por participa na deporte suave, arte, cultura, y evento social. Pa e adulto mayor cu no por sali di cas facil, lo implementa un programa di voluntariado pa bishita y asistencia, sigurando cu cada persona ta sinti nan mes apoya y conecta cu su comunidad. ReD ta kere cu un red social fuerte lo mehora e bienestar emocional y fisico di mayornan.



**RED** Democratico



## ADULTO MAJOR

### - **Mobilidad:**

#### **Situacion**

Pa hopi adulto mayor, movilidad ta un reto, especialmente ora nan ta depende di transporte publico of di otro persona pa movecion. Mobilidad limita por restringi nan acceso na servicionan esensial, manera cuida di salud i cuminda, i por aumenta nan aislamiento social.

#### **Propuesta di ReD**

ReD lo mehora e movilidad pa adulto mayor pa sigura cu nan por mantene independencia y acceso na servicionan esensial. Nos lo implementa un sistema di transporte publico gratuito y accesibel pa adulto mayor, cu ruta special cu ta pasa cerca di hospitalnan, supermercadonan, y centro di cuida. Tambe, nos lo introduci un programa pa transporte a base di peticion, caminda adulto mayor por reserva transporte pa cita medico of compra necesario, eliminando dependencia di otro persona. Esaki lo reduci isolacion social y mehora e calidad di bida di nos mayornan.





# ADULTO MAJOR

## - Seguridad y Protección

### Situación


Seguridad, tanto físico como financiero, ta un punto importante di preocupacion. Esaki ta inclui proteccion contra abuso financiero, maltrato, i garantiza un zona sigur pa biba.

### Propuesta di ReD

ReD lo fortalece e seguridad físico y financiero di adulto mayor, implementando ley y regulacion pa proteha nan contra abuso financiero y maltrato. Nos lo introdusi un sistema di vigilancia y reportahe pa identifica abuso rapidamente y tuma accion inmediato pa proteha esnan vulnerabel. Tambe, ReD lo traha pa crea zonanan di vivienda sigur cu enfoke riba adulto mayor, asegurando cu nan por biba den paz y seguridad, sin teme pa nan bienestar. Nos compromiso ta pa garantiza un ambiente sigur y digno pa cada mayor na Aruba.



**RED** Democrático



## ADULTO MAJOR

### - Cambio Demografico:

#### Situacion

Envehecimento di e poblacion na Aruba ta influencia e structuranan social i economico. Aumento di e cantidad di adultonan mayor ta nifica cu lo tin mas demanda pa cuidu di nan, pensioen i otro servicionan di sosten, cu por pone presion riba e medionan disponibel.

#### Propuesta di ReD

ReD ta prepara pa enfrenta e cambio demografico na Aruba pa medio di un plan a base di sostenibilidad. Nos lo fortifica e sistema di pensioen pa por cubri e nesesidadnan creciente di adultonan mayor, mientras cu lo amplia e infraestructura di cuidu di adulto mayor, cu enfoke riba cuidu di largo plazo. ReD lo diversifica e economia pa genera mas entrada pa sostene e presion riba nos recurso, pa medio di energianan renovabel y innovacion tecnologico y industria di cannabis. E enfoque ta pa garantiza cu Aruba ta preparado pa e aumento di demanda sin compromete bienestar social of economico.



**RED** Democratico

# NOS FAMIA

